

## UPUTSTVO ZA PACIJENTA

### **BRONCHOSTOP® pastile protiv kašlja**

59,5 mg, pastila  
*suhi ekstrakt timjana*

#### **Pažljivo pročitajte ovo uputstvo prije nego što počnete da koristite ovaj lijek jer sadrži važne informacije za Vas.**

Uvijek koristite ovaj lijek tačno kako je opisano u ovom uputstvu ili kako Vam je ljekar, ili farmaceut propisao.

- Sačuvajte ovo uputstvo. Možda ćete ga kasnije trebati ponovo pročitati.
- Ako imate bilo kakvih dodatnih pitanja ili Vam je potreban savjet, obratite se svom farmaceutu..
- Ako bilo koja od nuspojava navedena u dijelu 4 postane ozbiljna, ili ako uočite bilo kakvu nuspojavu koja nije navedena u ovom uputstvu, molimo Vas, obavijestite svog ljekara ili farmaceuta.

Ako se ne osjećate bolje ili ako se osjećate lošije nakon 5 dana, obratite se ljekaru.

#### **Sadržaj:**

1. Šta su Bronchostop pastile protiv kašlja i za šta se koriste
2. Prije nego počnete uzimati Bronchostop pastile protiv kašlja
3. Kako uzimati Bronchostop pastile protiv kašlja
4. Moguća neželjena djelovanja
5. Kako čuvati Bronchostop pastile protiv kašlja
6. Dodatne informacije

### **1. ŠTA SU *BRONCHOSTOP PASTILE PROTIV KAŠLJA* I ZA ŠTA SE KORISTE**

Bronchostop pastile protiv kašlja su tradicionalni biljni lijek koji podstiče iskašljavanje postojeane sluzi kod produktivnog kašlja nastalog usljed prehlade.

Bronchostop pastille su tradicionalni biljni lijek za primjenu kod navedenih indikacija isključivo na temelju dugogodišnje primjene.

Ako se ne osjećate bolje ili ako se osjećate lošije nakon 5 dana primjene, obratite se ljekaru.

### **2. PRIJE NEGO POČNETE UZIMATI *BRONCHOSTOP pastile protiv kašlja***

#### **Nemojte uzimati *Bronchostop pastile protivkašlja***

- ako ste alergični (preosjetljivi) na timijan ili druge članove iz porodice biljaka *Lamiaceae* ili na bilo koji drugi sastojak ovog lijeka (naveden u dijelu 6).

#### **Budite oprezni sa Bronchostop pastilama protiv kašlja**

Razgovarajte sa svojim ljekarom ili farmaceutom prije uzimanja ovog lijeka.

U slučaju pojave groznice, otežanog disanja ili gnojnog sekreta, obratite se ljekaru.

#### **Djeca**

Zbog nedostatka podataka i zbog opasnosti od nenamjernog gutanja cijele pastile, ne preporučuje se upotreba kod djece mlađe od 6 godina.

#### **Uzimanje drugih lijekova sa Bronchostop pastilama protiv kašlja**

Recite svom ljekaru ili farmaceutu ako koristite ili ste nedavno koristili neke druge lijekove, uključujući i one koji se izdaju bez recepta.

Do danas nisu poznate interakcije s nekim drugim lijekom.

#### **Trudnoća i dojenje**

Ako ste trudni ili dojite, mislite da ste trudni ili planirate trudnoću, obratite se svom ljekaru za savjet prije uzimanja ovog lijeka.

Sigurnost za vrijeme trudnoće i dojenja nije utvrđena. U nedostatku podataka, korištenje tokom trudnoće i dojenja se ne preporučuje.

#### **Upravljanje vozilom i drugim mašinama**

Nisu provedena istraživanja o uticaju lijeka na sposobnost upravljanja vozilima i rada na mašinama.

#### **Važne informacije o nekim sastojcima *BRONCHOSTOP pastila protiv kašlja***

Molimo Vas da Bronchostop pastile protiv kašlja uzimate nakon konzultacija sa Vašim ljekarom, ukoliko znate da patite od šećerne netolerancije.

Napomena za dijabetičare: Jedna pastila odgovara otprilike 0,1 jedinica ugljikohidrata. Ovo treba uzeti u obzir kod pacijenata sa šećernom bolešću.

### **3. KAKO SE KORISTE *BRONCHOSTOP pastile protiv kašlja***

Uvijek koristite Bronchostop pastile protiv kašlja tačno onako kako je opisano u ovom uputstvu, ili kako Vam je propisao Vaš ljekar ili farmaceut. Ako niste sigurni, provjerite sa svojim ljekarom ili farmaceutom.

#### **Doziranje**

Odrasli i adolescenti iznad 12 godina starosti:

1 - 2 pastile svaka 3 do 4 sata (4-6 puta dnevno).

Djeca od 6 godina do 12 godina starosti:

1 pastila 3 puta dnevno.

Djeca u dobi do 6 godina starosti:

Zbog nedostatka podataka, primjenakod djece ispod 6 godina starosti se ne preporučuje (vidjeti dio 4.4).

Način primjene:

Za oralnu upotrebu (pustiti da se pastila otopi u ustima).

Trajanje primjene:

Samoliječenje sa lijekom Bronchostop pastile protiv kašlja treba ograničiti na pet dana. Ukoliko nema značajnih poboljšanja u navedenom periodu, pacijentu se savjetuje da se obrati ljekar, obzirom na mogućnost da je u pitanju ozbiljnija bolest.

#### **Ako uzmete više *BRONCHOSTOP pastila protiv kašlja* nego što je potrebno**

Ako ste uzeli znatno veću količinu ovog lijeka, simptomi poznatih nuspojava se mogu pojačati. U ovom slučaju, molimo Vas da obavijestite svog ljekara. Ukoliko je potrebno, Vaš ljekar može donijeti odluku o potrebnim mjerama.

#### **Ako zaboravite uzeti *BRONCHOSTOP pastile protiv kašlja***

Nemojte uzimati dvostruku dozu da nadoknadite dozu koju ste preskočili.

Ako u vezi s primjenom ovog lijeka imate još pitanja, obratite se svom ljekar ili farmaceutu.

### **4. MOGUĆE NUSPOJAVE**

Kao i drugi lijekovi, *BRONCHOSTOP pastile protiv kašlja* mogu uzrokovati nuspojave, iako ne kod svakoga. Ako neka nuspojava postane ozbiljna, ili ako primijetite nuspojavu koja nije navedena u ovom uputstvu, o tome obavijestite svog doktora ili farmaceuta.

Primijećene su reakcije preosjetljivosti i poremećaji želuca koje su u vezi sa primjenom lijekova koji sadrže timjan. Učestalost nije poznata.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavjestiti Vašeg

ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

## **5. KAKO ČUVATI *BRONCHOSTOP pastile protiv kašlja***

Držite ih izvan dometa i vidokruga djece.

Čuvati na temperaturi do 25°C.

Čuvajte pastile u originalnom blister pakovanju kako bi ih zaštitili od svjetla.

Nemojte koristiti Bronchostop pastile protiv kašalj nakon isteka roka trajanja koji je naveden na naljepnici i kutijici. Rok trajanja se odnosi na posljednji dan tog mjeseca.

Lijekovi se ne bi smjeli baciti u otpadne vode ili kanalizaciju. Pitajte svog farmaceuta kako da bacite lijekove koji vam više nisu potrebni. Ovim mjerama pomažete u zaštiti okoliša.

## **6. DODATNE INFORMACIJE**

### ***Šta BRONCHOSTOP pastile protiv kašlja sadrže:***

Aktivne supstance su:

59,5 mg suhog ekstrakta biljke timjana (thymus vulgaris (herba timjana), omjer ekstrakta lijeka = 7-13:1; rastvarač za ekstrakciju: voda).

Ostali sastojci:

gumiarabika (E 414), fruktoza, sorbitol (E 420), maltodekstrin, limunska kiselina (E 330), saharina natrijum (E 954), aroma aronije, tekući parafin, bijeli pčelinji vosak (E 901), pročišćena voda.

### **Kako izgledaju *BRONCHOSTOP pastile protiv kašlja* i sadržaj pakovanja:**

Bronchostop pastile protiv kašlja su šestougaone, smeđe pastile. Bronchostop pastile protiv kašlja su pakovane u PVC/PE/PVDC Alu blisteru i dostupne su u pakovanju koje sadrži 20 pastila.

### **Režim izdavanja**

Lijek se izdaje bez ljekarskog recepta.

### **Proizvođač (administrativno sjedište i mjesto puštanja lijeka u promet)**

Viennapharm GmbH, Mariahilfer Straße 123/3, 1060 Beč, Austrija

### **Nosilac dozvole za stavljanje lijeka u promet**

Viennapharm d.o.o., Jezero 3, 71000 Sarajevo, Bosna i Hercegovina

### **Broj i datum dozvole za stavljanje lijeka u promet :**

04-07.3-2-1721/16 od 30.09.2016.